



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput II. Restitutio ex contractu debita.

[urn:nbn:de:hbz:466:1-53587](#)

C A P U T II.

Restitutio ex contractu debita.

Antequam generalem tradamus restitutionis regulam a contrahentibus observandam, de novo scire oportet, inter contractus quosdam cedere in utilitatem solius *accipientis*, uti *matrium*, *commodatum*, *Pecarium*, *Pignus*, *Hypotheca*, *Fidejussio*; alios in utilitatem *soli dantis*, uti *depositum*; alios in utilitatem *utriusque*, uti *Emptio & venditio*, *Locatio & Conduictio*, *Census*, *Cambium*, *Emphiteusis*, *Fundum*, *Asseturatio*.

Non solum ex culpa *Theologica*, sed & *juridica* illi, qui contractu se obstrinxerunt, retribuere tenentur. Culpa *juridica* debitæ diligentiæ omissione est, & triplex a Juristis distinguitur: *Lata*, *levis*, *levissima*. Culpa *lata* seu *gravis* est, quando diligentia omittitur, quam ejusdem conditionis homines in suis negotiis adhibent communiter solent. Culpa *levis* est omissione & diligentia, quam diligentiores adhibent. *Levissima* est omissione diligentia, & circumspectio, qua viri prudentes, ac diligentissimi utuntur. Differt a casu, tamquam eventu, quem nec diligentissimi prævidere, aut impedire possunt. Si rem apud te depositam in loco partiti relinquis, culpam latam, quæ sæpe dolosus preparatur; si in loco non clauso, culpam levem; si in loco apparenter, sed non vere ac circumspecte clauso, culpam levissimam comittis;

denique rem optime custoditam , ac reclusam
fractis repagulis fures auferant, eluvia , aut ignis consumant, casui imputandum erit.

Ex contractu primi generis, qui *in accipienti*-
ti utilitatem fit (*precarium excipe*) accipiens,
si res apud ipsum pereat, ex culpa quacumque,
etiam levissima ad ejus restitutionem tenetur ;
naturalis enim æquitas postulat, ut quicumque
in sui commodum aliquid accepit, in eo servando
diligentiam exactissimam adhibeat; unde si
eam omittat, resarcire damnum alterius deberet.
Si tamen ex casu fortuito res perierit, restitutio-
nis nulla est obligatio, nisi id expresse in pa-
tuum fuisset deductum, aut in accipientem (pro-
ut in mutuo contingit) translatum rei dominium
sit, sic enim res non priori, sed moderno do-
mino, videlicet mutuatario periret.

Ex contractu in *solius dantis* utilitatem ce-
dente, si res apud accipientem pereat, hic so-
lummodo ob dolum, vel culpam latam restitu-
re tenetur. Hoc enim in casu accipienti nulla
fit gratia, sive ad majorem, quam commu-
nem diligentiam adstringi non potest. Aliud
foret, si depositarius exempli gratia se ipsum
obtulisset, si exactam curam promisisset, aut
pro rei custodia mercedem accepisset.

Ex contractu in *utriusque* commodum ceden-
te ob latam seu gravem & levem culpam resti-
tuendi datur obligatio. Æquum enim est, ut
accipiens, aut retinens rei in suam utilitatem
concessæ curam habeat, non tamen exactissi-
mam; quia non ille solus, sed etiam dominus

commodum ex ea reportat. Verum si res eis pereat, qui illam accepit, restituere non tenetur, nisi de hoc pactum expressum præcesserit. Nam si pactum ad esset exempli gratia quasdam merces transferendi, qui illas transfert, restituere tenerur, si pereant; quemadmodum erant si quindecim diebus id vendere distulisset, quod cum accepit, intra quatuor dies vendere promisit, restituere teneretur, si res corrumperetur, aut periret, quia culpa sua promissa non implevit.

De quasi contractu eadem fere regula tenetur. Si quis ex officio publico Medici, consiliarii &c. quidquam in alterius commodum faciat, nihilque inde mercedis accipiat, tantummodo damnum ex dolo, aut culpa lata securum resarcire tenetur; quia non pro suo, sed alterius emolumento agit. Si tamen officium, aut munus quæsivisset, consilium suum non rogatus obtulisset, vel mercedem recepisset, culpam levem, imo si sic conventum esset, etiam levissimum præstare deberet; sicut enim hic inversus est casus, ita & opposita ratio valet.

Hæ genericæ contrahentium obligationes sunt. Speciales magis Juristæ tradunt, quos sciendi cupidus consulere potest. Nos præcipuas tantum in iis, quæ sequuntur, capitibus exponemus. Prius de contractibus gratuitis, postea de onerosis acturi.

CAPUT